

三經同卷

寔二

佛為優填王說王法政論經

佛說五大施經

大日經略攝念誦隨行法

佛為優填王說王法政論經

大興善寺三藏沙門大廣智不空奉詔譯

一

何

今時優填王獨處空閑靜室而坐生如是心  
 當云何知諸帝王真實過失及真實功德我  
 若知者當捨其失當修其德若有沙門淨行  
 者能了為我廣宣開示良久思已便作是念  
 唯我世尊三界大師具一切智定知諸王所  
 有真實過失及真實功德我今當往佛世尊  
 所請問斯義故我今者來至佛所惟願如來  
 為我開示世尊云何諸王真實過失云何諸  
 王真實功德作是請已  
 尔時世尊告優填王曰大王今者應當了知  
 王之過失王之功德王衰損門王可愛法及  
 能起發王可愛之法云何王之過失大王當

知王過失者略有十種王若成就如是過失  
 雖有大府庫有大臣佐有大軍眾不可歸仰  
 何等為十一者種姓不高二不得自在三五  
 性暴惡四猛利憤發五恩惠賒薄六受邪佞  
 言七所作不順古先王制八不顧善法九不  
 鑒是非勝之與劣十所向縱蕩專行放逸云  
 何名王種姓不高為有庶臣不類而生非宿  
 尊貴纂紹王位是名種姓不高 云何名王  
 不得自在為有帝王被諸大臣輔相官僚所  
 制不隨所欲所作常有諫約於妙五欲亦不  
 如意歡娛遊戲如是名王不得自在 云何  
 名王立性暴惡為有帝王見諸臣類或餘人  
 等犯小憊過即便對面發麤惡言咆悖忿恚  
 擊感貶黜設不對面背彼向餘而作於前黜  
 罵等事或不長時瞋恚或於長時不捨如是  
 對面暴惡背面暴惡是名帝王立性暴惡  
 云何名王猛利憤發謂有國王見諸群臣有  
 小憊過有少違越便削封祿奪去妻妾即以

重法而刑罰之如是名王猛利憤發 云何  
名王恩惠賒薄謂有國王謂群臣等親近侍  
衛雖極清白善稱其心而以微劣輕言慰喻  
其頒賜爵祿酬賞勲庸不能圓滿不順常式  
或損耗已或稽留已然後方與如是名為王  
恩賒薄 云何名王受邪佞言若有帝王見

是二

二

諸群臣實非忠正不閑憲式潛謀輔佐佞心  
偏黨不修善政妬嫉賢良信用如是等人所  
進言議由此因緣王務財寶虛稱善政並皆  
褻損如是名王受邪佞言 云何名王不順  
先王所制謂有國王不能究察不審揀擇諸  
群臣等於種種務國法事不堪委任而委

任之堪委任者不委任之應賞資者而刑罰  
之應刑罰者而賞資之又此羣臣處大朝會  
餘論未終發言間絕不敬不憚而興諫諍不  
能依法而善奉行不正能住先王教命如是  
即名不順先王所制之法 云何名王不顧  
善法謂有國王不信因果不悟當來善不善

業人天果報隨情造作身語意業三種惡行  
不能以時惠施修福持齋學戒受陀羅尼業  
灌頂法門於四無量心不興廣濟如是名王  
不顧善法 云何名王不鑒是非勝之與劣  
謂有國王於諸大臣輔相官僚用心顛倒不  
善了知忠信技藝智惠差別以不知故非忠

信生忠信想非技藝有技藝想所惡惠所生  
善惠想於善惠所生惡惠想又諸臣等年耆  
衰邁曾於父時親近侍衛知其無勢遂不敬  
愛不賜爵祿不酬其賞被他陵蔑捨而不問  
如是名王不鑒是非勝之與劣 云何名王  
一向縱蕩專行放逸謂有帝王於妙五欲一

是二

三

向沉沒耽著嬉戲不能時時誠慎如是即名  
為一向縱蕩專行放逸若有國王成就如是  
十種過失雖有大府庫有大輔佐有大軍眾  
不久國界自然災亂而不可歸仰當知此十  
過失初一是王種姓過失餘九是王自性過  
失 云何名王之功德大王功德者略有十

種一者種姓尊高二者得大自在三者性不  
 暴惡四憤發輕微五恩惠猛利六受正直言  
 七所作諦思善順先教八顧戀善法九善知  
 差別十不自縱蕩不行放逸 云何名王種  
 姓尊高謂有國王宿植善根以大願力故生  
 王族紹繼國位恩養萬姓淨信三寶如是名

王種姓尊高 云何名王得大自在謂有帝  
 王自隨所欲於妙五欲歡娛遊戲所應賞賜  
 隨意而作於百僚等所出教命宣布無滯如  
 是名王得大自在 云何名王性不暴惡謂  
 有國王見諸群臣雖違少小愆犯等事而能  
 容忍不即貶黜不發麤言亦不對面憤發亦

不內意秘匿如是名王性不暴惡 云何名  
 王憤發輕微謂有國王諸群臣等雖有大愆  
 有大違越而不一切削其封祿奪其妻妾不  
 以重法而刑罰之隨過輕重而行矜降如是  
 名王憤發輕微 云何名王恩惠猛利有諸  
 群臣親近侍衛其心清白其心調順王即時

時以正圓滿輒言慰喻頒賜勲庸而不令彼  
 損耗稽留劬勞怨恨易可親近不難承事如  
 是名王恩惠猛利 云何名王受正直言謂  
 有國王諸群臣等實有忠正無濁無偏善閑  
 憲式情無違叛其王信用如是人等所進言  
 議國務財寶悉皆成就名稱遠布黎庶咸歡

如是名王受正直言 云何名王所作諦思  
 順先王教謂有國王性能究察審能揀擇諸  
 群臣等於種種務公法事不堪委任者而  
 不任之堪委任者而委任之應賞賚者而正  
 賞賚應刑罰者而正刑罰凡有所為審思審  
 擇然後方作亦不卒暴其王群臣等雖處朝

會終不發言間絕餘論要待言終而興諫諍  
 如其王教而善奉行如是即名顧先王教  
 云何名王顧戀善法謂有帝王信有因果善  
 不善業人天果報具足慙耻而不恣情作身  
 語意三種惡行時時惠施修福持齋建立曼  
 拏羅受灌頂法而設護摩供養聖衆四無量

心常懷廣濟如是名王顧戀善法 云何名  
王能鑒是非勝之與劣謂有國王於諸大臣  
輔相百僚心無顛倒能善了知忠信技藝智  
惠差別若有若無並如實知於其無者輕而  
遠之於其有者而敬愛之又諸臣等年耆衰  
邁曾於久時親近侍衛雖知無勢無力然念

昔恩轉懷敬愛而不輕賤爵祿勲庸分賞無  
替如是名王能鑒是非勝之與劣 云何名  
王不自縱蕩不行放逸謂有國王於妙五欲  
而不沉沒傲慢嬉戲而不就者能於時時誠  
慎方便作所應作慰勞群臣如是名王不自  
縱蕩不行放逸若王成就如是功德雖無府

庫無大輔佐無大軍衆不久國界自然豐饒  
而可歸仰大王當知如是十種王之功德初  
一名為種族功德餘九自性功德 云何名  
為王衰損門大王當知衰損門略有五種一  
不善觀察而攝群目二雖善觀察而無恩惠  
縱有恩惠不得及時三專行放逸不思國務

其二

五

四專行放逸不守府庫五專行放逸不修善  
法如是五種皆悉名為王衰損門 云何名  
王不善觀察而攝群目謂有國王於群目等  
不能究察不審揀擇忠信技藝智惠差別攝  
為親侍加以寵愛厚賜爵祿重委寄處而相  
委任數以軟言而相慰喻然此群目所謂財

寶多有損費若遇冤敵惡友軍陣而先退敗  
以懼破散便往奔背無戀於主如是名王雖  
善觀察而無恩惠縱有非時謂有國王性能  
究察審能揀擇知是忠信技藝智惠攝為親  
侍而不寵愛不量其材不賜爵祿於形要處  
而不委任忽於一時王遇冤敵惡友軍陣不

怖畏時臨急難時於諸目等方行寵爵而以  
軟言慰喻時群目等共相謂曰王於今者危  
迫因緣方於我等暫行恩惠非長久心知此  
事已雖有忠信技藝智惠悉隱不現如是名  
王雖善觀察而攝群目無恩惠行縱有非時  
云何名王專行放逸不思國務謂有國王於



應和好所作所成國務等事而不得時獨處空閑或與智王共正思惟和好方便乖絕等事及應賞費乃至軍陣所作所成要務等事不勤在意如是名王專行放逸不思國務云何名王專行放逸不守府庫謂有國王寡營事業不觀諸務不禁王門宮庭庫藏國家

密要說向婦人乃於捕獵博戲事中費損財寶而不慎護如是名王專行放逸不守府庫云何名王專行放逸不修善法謂有國王於世所知柔和淳質聰惠辯才得理解脫所有沙門婆羅門不能數近禮敬諮詢云何是善云何不善云何有罪云何無罪云何有福吉

祥法門遠離諸惡設得聞已不依修行如是名王專行放逸不修善法若有國王成就如是五衰損門當知此王退失現世果報乃至來生失人天福謂前四門現受福利最後一門退來生果報云何名爲王可愛法大王當知略有五種謂王可愛可樂可欣可意之

卷二

六

修成

法何等爲五一者人所敬愛二自在增上三能摧寬敵四善攝養身五能修善事如是五種是王可意之法云何善能發起王可愛法大王當知略有五種善能發起王可愛法何等爲五一恩養世間二英勇具足三善權方便四正受境界五勤修善法云何名王思養

蒼生謂有國王性本知足能爲謹慎成就無貪白淨之法所有庫藏隨力給施貧窮孤露柔和忍辱多以輒言曉喻國界諸有群臣有故違犯不可免者量罪矜恕以實以時如理治罰如是名王以王化法恩養蒼生故感世間之所敬愛云何名王英勇具足謂有國王神策不墜武略圓滿未降伏者而降伏之已降伏者而攝護之如是名王英勇具足云何名王善權方便謂有國王一切好事分明了知方便能和攝受強黨故得摧伏一切寬敵云何名曰正受境界謂有國王善能籌量府庫增減不慳不恪平等受用隨其時候所宜

給與所有自親族王等及伎樂人又有疾時  
應食所宜避所不宜醫候食性方以食之若  
食未消或食而痢皆不應食應供食者不應  
獨食所有精味分布令歡如是名王正受境  
界遂能善巧攝養自身云何名王勤修善法  
謂有國王具足淨信戒聞捨慧於淨信處了

實二

七

信他世及信當來善不善業人天果報如是  
名爲具足淨信受持淨戒於年三長每月六  
齋遠離殺生及偷盜邪行妄言飲酒諸放逸  
處如是名王具足淨戒於淨聞處於現世業  
及當來果修德進業樂聽般若衆妙法門專  
意勤心究竟通達如是名王具足淨聞於淨

捨心遠離慳貪舒手惠施常應修福圓滿平  
等如是名王具足淨捨謂於具足淨惠之處  
如實了知有罪無罪修與不修勝劣方便親  
近多聞戒行沙門遠離諸惡邪教之者善知  
三種果報圓滿士用圓滿功德圓滿所謂國  
王繼習辛業所生宗族聰利明惠府庫財寶

應用不虧如是名爲果報圓滿若諸國王善  
權方便恒常成就英勇進退善達藝能是即  
名爲士用圓滿若諸國王住持正法與諸內  
宮王子大臣共修惠施行好善事持齋受戒  
慈三摩地門上妙梵行頻作護摩自災增益  
建曼荼羅具受灌頂是爲功德圓滿若能如

是行者是名淨惠具足

復次大王當知我已說王之過失王之功德  
王衰損門王可愛法及能發起王可愛之法  
是故大王每日晨朝若讀若誦此秘密王教  
依之修行即名聖王即名法王諸佛菩薩天  
龍八部日夜加持恒常護念能感世間風雨  
順時兵甲休息諸國朝貢福祚無邊國土安  
寧壽命長遠是故當獲一切利益現世安樂  
今時優填王聞佛所說踴躍歡喜信受奉行  
佛說優填王說王法正論經

西天譯經三藏新奉奏試光祿卿傳法大師賜紫沙門日施護等奉詔譯